

徂徠集稿

二



校了

第二

抄
校了
溪



徂徠集卷之二

東都

物茂卿著

道濟輯



詩部

四

五言律一百二十首

孤山席上同賦聽彈風入松得吹字

有鼓入松變按徽下指遲忽為流水調翻作冷風吹
縹緲還疑浪奔騰不信絲操終歛衽謝此曲最稱奇
大龍香尊者和玄上人詩見示謾次其韻附呈
何常說圓通揆辭識世雄菩提尊域外舍那王大中

所以禪師筆不無才子風善哉麗氏子及第頌心空
瑩

葉間疑似露日暮尚依稀帶雨初懸竹隨風潛點衣
明珠垂水麗銀燭隔牆微莫傍玉階月偏臨長信飛
白雲臨酒

把苦山中夕白雲忽自親映壺疑出岫繞蓋似藏輪
誰識帝鄉物廼憐醉國春願言留此影聊以贈同人
歲初和江若水中秋寄詩

我憶疎狂客家鄰浪泊臺絲毫臨月寫錦札及春來
臘酒今應熟寒梅早或開但無同調者白眼許誰陪

山家閨怨

山中徵玉帛夫子道輝光歌管留都下繁華寄洛陽
敢懷猿鶴怨能憶田園荒只是鹿門昔誰裁薜荔裳
春山欲雨得香字

始訝貪山路何來到夕陽看無千嶂色忽有百花香
風捲畫圖失雲隨杖屨涼春衣堪自惜猶未盡羊腸
夜雨龜山席上得之字

意氣論文地蕭條把酒時俱高白雪調各抱青雲悲
撫劍春星暗剪燈夜雨垂風塵明日起聚散敢忘之
春夜子固席上分韻書字

窗櫺春月暗，爐火夜寒餘。來扣邊生筍，同憐揚子居。
紛綸探得字，寂寞校殘書。罔象知誰是，爲君照五車。
淑氣催黃鳥

黃鳥飛何晚，青春晷載陽。烟霞來宇宙，草木有輝光。
雪已殘幽谷，花當滿帝鄉。東風吹次第，上苑聽笙簧。

觀獵二首

晉鼓順朔吹，虞旗明西曛。負羽爲講武，追禽非娛君。
七百雉兔往，三千貔貅群。近值罷圍禁，空閤民如雲。
紛紛紫貂帽，意氣獵山阿。火迸鼻頭發，矢颺耳畔過。
珊瑚麋鹿碎，雪霰羽毛多。賁獲獸宜有，父兄書謂何。

薤崎大士洞

傳云千年寺，香火大悲尊。石壁鬼神裂，苔龕日月昏。
巖懸迷有路，洞曲訝無門。忽得豁然出，方知近後村。
同賦折梅逢驛使

和東壁二首

欲寄北風信，聊攀南國香。抗塵思皎潔，播譽比芬芳。
心賞寧堪獨，神交轉自傷。江山殊舉目，持此爲相將。
憶得吳門樂，誰知過爽鳩。豪猶燕市酒，興已剡溪舟。
意氣今成夢，詞騷昔上樓。且應餘匹練，夜照斗兼牛。
曾聞巧似鳩，應笑拙於鳩。薄宦甘移舍，浮踪疑泊舟。

春鶯皆喬木，美竹總高樓。獨我隨槽枥，從人呼馬牛。
實禪師已辭松雲，自稱卧隱。有詩徵和，因奉拙

和

塵

孤雲兼倦鳥，一併箇中還。坐隱寧棋局，卧遊是博山。
風雷揮麈罷，日月拄頤閒。猶識餘豪氣，樓高不可攀。

春日集卧念堂

春日芝濱寺，重尋花木幽。詩知齊己屋，卧豈元龍樓。
梅發憐新趣，酒酣悲舊游。自緣忘爾汝，欲返又聊留。

管廟

管公儒雅士，千歲事堪嗟。誰請佞臣首，獨傳說劍家。

忠冤尤霹靂，誠感唯梅花。遺廟褒崇地，徘徊白日斜。
覺玄上人游興用球客韻見示聊和

道高遊戲在海寺，況登臨雙樹袂風冷。禪心印月深，
為傳中竺語。時飭遠夷吟，杳渺流沙路。知君定裏尋，
聞笛得知字。

征客山陽笛，秋來日暮悲。胡兒城下淚，夜向月明垂。
春早繁華地，人歡駘蕩時。誰將搖落意，吹使玉梅知。
奉和琴鶴君侯咏雪瑤韻

華堂宜賞雪，盛宴況城隅。珂散三千客，花明十二衢。
陪筵誰授簡，映履欲疑珠。何識長安市，有人醉當壚。

獨不見

夫君輕遠別，獨不見盧家玳瑁雙梁燕。芙蓉並蒂花，紅顏非易保。白日豈難斜，所以莫愁樂勝如陰麗華。

採蓮曲

江南採蓮女，竝棹下江灣。花美解誰語，水清照我顏。粧臨明鏡裏，香度綵雲間。惆悵無歡覓，高歌月出還。風月樓新落，同賦分韻開字。

似是迎風榭，還疑待月臺。應持雙美去，合作一樓來。可以歌明矣，何妨賦快哉。知從今日始，高會幾回開。舟中曉望

乘夜凌層浪，黑風勢壯哉。看愁山影失，坐喜日華開。金湧千尋底，綺分百道來。東望雲似物，應是近蓬萊。同賦鳳皇鳴朝陽

東方君子國，伊鳳所翱翔。朱鳥昭皇瑞，碧梧垂帝章。朝陽瀛海色，初日羽毛光。賀世今宜爾，一鳴聆激揚。中秋前一日，忘憂館小集分韻前字

茅堂聊小集，參半素商天。人愛風烟爽，詩驚追逐圓。應從冥討外，忽似暗投前。持此誇明月，中秋可占先。

驄馬

驄馬誰人騎，五陵美少年。曲鉤步逐水，直道馳如弦。

紛映黃金勒，鳥垂白玉鞭。自憐上林暮，意氣獵秋天。
暮秋山行

青壑聽猿度，白雲立馬看。蕭蕭皆落木，歷歷幾晴巒。
九月征衣薄，千山秋日寒。鄉心何廓落，鳥道自艱難。
出塞

悲歌方罷宴，揮手玉門分。常惠今教字，燕然昔勒文。
聊將刀筆吏，敢從貔貅軍。暗想燕頷者，封侯自有勲。
遊寺

雲徑迷初地，蘿磴豁絕岑。莓苔知客少，猿鳥覺山深。
竹映雨花色，松傳空谷音。不因逢僧話，早已洗塵襟。

晚行

返照如呼我，曳筇寧有情。林間遙聽笛，牛背巧飛聲。
緩步誰知意，相逢不問名。且隨山月上，同浴澗流清。
郊興

負杖課童僕，秋深負郭居。迎霜憐素菊，過雨惜紅渠。
城市跡纔隔，田園興不踈。故人應近訪，莫使醅甕虛。
巫山高

巫山高幾許，上有襄王臺。古木參差出，清猿日夜哀。
一篇傳恍惚，千載極低回。尚識行雲雨，時聞環佩來。
蟬

羨君涼籟吐苦此暑埃侵三伏轉消渴一蟬忽喝吟
楚臺風自快漢苑日方沉應飽金莖露寧知司馬心
道士水亭

丹竈迴浮水赤欄橫俯流遙呼垂釣坐不月隔門酬
一鶴驚飛映千篁深掩幽玉顏童子侍恍疑徐福舟

武陵泛舟

云是武陵地桃花兩岸林冀逢黃髮宿行訪白雲深
灼灼霞成綺萋萋山自陰停舟猿叫斷寂寞古人心

過故人莊

偶從郊外路一過故人家款客逢秋熟論心忘日斜

山肴無海味村飯有胡麻更是陶翁趣東籬旋看花
寄某上人

一鉢是生計三衣唯路資報恩甘棄母求道苦尋師
寒雨湖雁斷夕陽秋草衰結趺何所處思子使人悲

寄舊游

悵然思往事歲月似東流詩酒青樓宴管絃白社舟
凋殘今幾在恍忽昔曾游已矣壯心盡與君共白頭
早寒有懷

搖落江山暮客衣早覺寒簾葭連水北鴻雁叫雲端
料識閨中夢當爲馬上看何由尋錦字鄉國路漫漫

覺外外
下三連
下
下
下

擬秋宵寓直

禁廷饒樂事、長夜不覺過、瓊樹秋偏麗、金莖露轉多、
罷筵歸曉月、應製仰明河、已駭早朝者、隔垣鳴玉珂、

山居秋暝

獨坐空山曲、西風桂樹秋、千峰開返照、一葉舞寒流、
鳥雀喧樵逕、猿猱架釣舟、慣玩秋月好、出戶且遲留、

登城樓

步登百雉上、俯眺九霄間、碧抱蓬瀛海、青環表裏山、
羶蟻晨市聚、豆馬暮城還、最看芙蓉色、西南白雪閑、

題驛樓

驛樓臨大道、垂柳拂欄涼、疲馬嘶長日、卸鞍繫短牆、
野花橫髻巧、村釀壓糟香、小女當壚笑、解言勸我郎、
征馬嘶用高達夫韻

題書齋

征馬且千里、行人殊未休、蕭蕭嘶落日、寂寂動清秋、
南雁懷吾土、朔風吹爾愁、雖非太行坂、到處共回頭、
書架五車富、花瓶十月春、外梅無長物、中酒有同人、
偃蹇終年暮、文章白日新、童烏應識字、玄草不須親、
夜宴友人莊

日落花逾白、興餘筵又張、釣池魚躍鏡、洗竹月窺堂、

險韻燭剪早繁絃曲度長爲緣投轄愛歸路遠能忘
擣衣

三秋風落木萬戶月明砧非爲佳人怨既然行子心
征衣今日薄寒氣昔年深空向邊庭老不聞鄉里音
村夜

小澗經霖漲獨梁認電行歌舂連里動績燭射窓明
過店羨茶馥踞門待月生偶逢老農話嘉爾古人情
泛舟有女樂在諸舫

簫歌飄島渚詩酒在樓船轉棹滄洲外楊解明月前
水連雲不盡岸濶地將偏忽載青蛾過何來牛女天

聞笛

何人吹玉笛來此客中堂急節傷神短曼聲引怨長
落梅殊寂寞折柳轉淒涼繚繞留餘響前山歛夕陽
七里灘

晚泊嚴陵瀨江風吹客衣山寒飛鳥疾岸濶渡人稀
不盡客星色還高漢月暉巢由千載後微子與誰歸
雲際中峯

中峯殊突兀聞有古禪關寧信殘僧在只看飛鳥還
猶蒼啣日立縹緲出雲閑疑是諸天色結爲下界山
叢篠

坐疑白日沈對此翠篁林水映森森淨風吹葉葉深
歲寒皆有節籟萬總無心爲待鳳凰宿曾栽數畝陰
尋某山人居

欲訪秦人隱桃源且繫舟村村隄岸似處處洞門幽
曾識數竿竹還沿幾里流果然鷄犬逐桑柘水窮頭
採蓮曲

又被採蓮伴相牽過幾灘妙歌人自好衫服俗相看
獨記去時劍徒聞別後冠芙蓉花酷似何處覓儂歡
經故道士觀

相傳尸解去知是玉皇臣昔駕縑山鶴今遊閬苑春

榻留伏火鼎壁掛禮星巾舊觀皆零落寥寥學道人
行舟值早霧

何來雙岸烟不見兩重天將謂雲埋路忽知霧擁川
搖槳聽淺濤採水辨洄沿看已日華動前山色未鮮
題禪院

衣濕翠微色屐穿蘆蔔香千山遶處路一鳥飛邊房
茶飯自何得利名來此忘悵然徒倚久看已沒斜陽
送某明府之任

聖世微官樂何須惱別魂栽花應滿縣行樂或過村
千峯對廳壁一舟到郭門相思倘乘興看子飽君恩

擬禁中送山人

又看陶隱居、玄武掛冠還。請邑便尋藥，賜金可買山。
留詩青鎖上，來表白雲間。臨別丹無吝，爲吾駐醉顏。

擬中書寓直

紫薇花照省，遭遇聖朝難。才子皆懷璧，侍臣總握蘭。
陪筵知帝德，草詔奉皇歡。爲在鳳池上，聯行鴈與鸞。

江上田家

門巷隨江曲，田家籬落稀。岸低洗耕具，雨霽晒漁衣。
小犢負薪飲，扁舟刈麥歸。兒童沙上戲，鷗狎不高飛。

故城秋望

街

故國千年後，眺臨在宦游。草埋殘郭沒，江齧頽垣流。
山色啣斜日，潮聲動暮秋。無窮懷古恨，併作客心愁。

出城門

胡馬紛荒服，戎裝辭帝鄉。西風吹渭水，落日照城牆。
供張傾都士，慇懃同舍郎。不須揮別淚，自古漢兵強。

秋夜友人宅對酒

悉是悲秋意，相看倦宦情。非關歌管促，已覺酒盃輕。
千里人懷土，三更月滿城。不堪搖落夜，共聽雁鴻聲。

秋日野望

曠原聊矚目，秋思黯難收。故國識喬木，夕陽帶斷流。

草肥芻牧少，城遠鹿麋游。平楚眇無極，一望何限憂。

閑居

山園村落僻，門對澗流清。窓竹因風動，逕苔先雨生。
釣魚乘月黑，採藥喜秋晴。何妨吟朋少，元來遠郡城。

秋日寓直擬作

洞門深自邃，獨坐掖垣清。咫尺天猶遠，三十宦未成。
芙蓉御溝色，鴻雁鄉園聲。柱笏西山爽，惆悵若爲情。

古別離

憶昔東門別，青青楊柳枝。郎歸何日至，妾意有誰知。
白雪忽盈地，紅顏自照池。人間能幾歲，死別勝生離。

響

野居池上看月

誰引野泉嚮，穿苔作小塘。山遙多水色，地曠足天光。
忽見臨明月，猶疑浸夕陽。似無朝莫別，殊覺歲時長。

洛陽早秋

宮闕似生愁，帝京是倦游。涼河臺側畔，纖月殿當頭。
短笛秋來夜，長歌人在樓。奈何鄉國思，大火向西流。

阻雨

長江烟雨暗，客棹滯孤城。繫纜過三日，掛帆更幾程。
波濤滿地澗，雲霧漫天生。咫尺金山在，徒聞奇絕名。

採蓮曲

高唱採蓮曲，採蓮應有心。
花花朝日麗，葉葉暮雲深。
桂棹長洲外，蘭舟短嶼陰。
誰人遺玉佩，何處落珠簪。

寄興園池鶴

昔從瀛海至，今尚羽毛存。
高潔豈縻爵，稻粱已飽恩。
青雲縣圃遠，翠竹夾池繁。
風唳却春日，寧須乘衛軒。

送客臨邊

客邊鄰異俗，何啻恨離家。
魂斷天南雁，目窮漠北沙。
非無龍磧月，自有燕脂花。
日暮胡笳沸，邏綏擁虜車。

感秋林

歲月看忽改，庭園境非殊。
老樹西風冷，疎林晚照孤。

霜寒驚宿鳥，葉落見巢烏。
何限人生恨，將無榮與枯。

晚宿江戍

浮槎隨落日，荒戍倚中流。
欲結一宵夢，來栖千里秋。
江聲聽似咽，山色看成愁。
伏枕終搖蕩，出波月沒洲。

客舍秋懷

徒看風物改，誰解客心悲。
日日北人至，年年芳草衰。
雁飛元有信，猿叫自無時。
問我終何意，欲言開口遲。

某宅會別

把臂是錢宴，林亭迴晴空。
賦詩悲在設，攬鏡嘆窮通。
花竹聊堪賞，杯盤暫此同。
慙慙休辭醉，明日各飄蓬。

早行

壯心凌曉發客路不知悲
爲抱烟霞癖忽忘筋力衰
雲巒微白際海日欲紅時
立馬千尋阪悠然悞往期
同賦王孫游分韻

王孫去不返桂樹山之幽
猿狖偏悲夜登臨總慘秋
如何春草色一自楚臣愁
歲歲芳洲上至今苦遠游
和蕃

琵琶行路難漣酪北風寒
寧保紅顏好已憐翠黛殘
單于應久待道路悉相看
妾敬獻長策唯謀朔漢安
秋日某廳池上咏石

石峙一拳秀池開半畝清
無磷存古質不轉異凡情
出沒知漣動玲瓏映月生
鬱林應載至久飽陸公名
湘妃怨

蒼梧荒服地二女從王游
自古湘妃怨至今芳杜洲
楚山疑九似瘴溪競千流
遺廟知何在鷓鴣日暮愁
從軍行

妻兒送出城慟哭一吞聲
自是居人意寧知壯士情
國威千隊肅將畧九邊明
腰劍秋霜色抽身已籍兵
暮雨送人

陌頭楊柳垂相送雨昏時
寂寂去人遠濛濛匹馬遲

江聲鐘易濕浦色草應滋寧問明朝後吾心已亂絲
友人枉書稱日暮無車馬不赴以書答

一諾期沽酒三朝已掃門青雲咫尺遠白日須臾昏
盍秉照花燭何妨泛月尊且當勞屐齒却說折車轅
送落第東歸擬作

君家滄海上雲物近三山皆看化鯢去獨來倦鳥還
嘯傲高世外詩卷落人間明日東風起無心叩帝關

秋雁

聯翩鴻雁影日暮過江干正值楚楓落遙知燕雪寒
乍聽揮淚易欲問繫書難湖月送何限洞庭早已瀾

宿禪房聞梵

疑此域中地緣何界外心忽然風籟動定是雨花深
飄去一輪小和來萬木吟老僧正趺坐靜學梵天音

池大帥席上

竹樹澹秋色高齋款客開滄洲何髣髴書畫足徘徊
今已以文會後當爲興來還嫌金谷酒或若獻之才

砥礪尊者新年作次韻

調刁起東風諸天竟孰功日華香海外春色梵宮中
世值昇平運路疑安養通琅琅開士偈却似說圓融

宿江店

鸚鵡洲前水簾葭秋後花寒雲回客棹落日宿漁家
樹小漢流澗村稀江路斜何心南國雁聯翅下晴沙

夜到漁家

日落江隄里燈光動竹扉魚蝦新酒熟蓼笠小舟歸
水濶鷗應狎竹深客自稀三閭君莫怪已製芰荷衣

邊上送故人

壯哉三尺劍去矣一書生北雪迷岐路南雲渺驛程
今朝辭玉塞何日到金城聞說漢班超建勲戍已營

小集烟字

深語鐘過午沈吟雨欲煙世情高枕盡狂氣把盃偏

班

鏗爾時投瑟斐然各作篇俱言酬我志豈必世人憐

王孫游

王孫遊不返悵望復斯辰蘿密終無徑風吹若有人
誰同明月夕想結白雲鄰草色青何限萋萋度幾春
和覺玄上人韻

次

吸雨世達咏龍韻

靈物潛伏時吾識善變化惺性自難馴煥質誰能駕
看且游雷發遂從勺水謝珍藏領下珠莫向人間借

小集得前字

何若無人境，牛門小築偏。
市朝如隔世，詩酒且終年。
或爲從游樂，時增泉石妍。
廼知丘裴輩，不讓輞川前。
又得賒字

山供終落寞，林鳥漸喧嘩。
主無冬蓄菜，家有春摘茶。
催笛竹先籟，引盃天已霞。
愧孤來訪意，詩酒兩俱賒。
初夏幽莊分韻幽字

垂楊絲漸老，尚可繫驂騑。
下榻迎風至，嘶盃聽水流。
鳴禽看變夏，脩竹已藏秋。
散髮追然笑，吾莊事事幽。
同前分韻花字

桃李春風日，誰知蔣子家。
近開新竹徑，偶駐故人車。
埜味林垂菓，幽芳菜著花。
雖無供張美，聊醉卧晴沙。

林卧

夏木千章好，沉逢三伏天。
披襟風葉底，高枕露枝前。
深映綠尊色，斜窺纖月妍。
似惹南柯夢，此心已恍然。
琴鶴丹戾和，予林卧詩併以靈楓記見寄再依前韻聊述其事奉呈

聞有靈楓樹，蕭疎亘夏天。
綠搖山堞下，涼滿郡樓前。
因愛風聲美，應懷霜色妍。
絲毫堪隱映，誦畢亦蒼然。
中秋翌日同人集偕覽古琴經分韻知字

闕里遺音在千年吾黨知流傳天或厄遇合道無疑
明月中秋夜幽蘭君子詩賞心猶可及願共理朱絲
留春館小集同賦寒江把釣

羊裘凌練色乘醉下中流不盡剡溪興留爲苔雪游
鉤疑柳葉月雪似蘆花秋始信玄真輩四時未識愁
奉和琴鶴君侯雪中瑤韻

知君仙府雪賞此逡巡春錯落埋山屐續紛集岸巾
東風千玉亂夜月萬花新但是朱門裏能容乘興人
次韻雨德允奇童

弱臂揮椽筆屹如萬仞山熟看氣骨勁遙想風神閒

閒

學縱父兄得才非李孟間古言三虎子必有豹文斑
次韻伯錫贈韓客詩

西來書記客輸爾更翩翩詞翰風生處聲華日出邊
祇教二陸似何必三韓傳藉甚南朝士最看太謝賢
次韻仲錫贈韓客詩

館中君最少援筆問仙槎二謝聲名亞三韓道路賒
西山晴後雪東海日邊霞掩映多奇句轉堪異域誇
代人贈韓客

翩翩書記哉遙傍使槎來蹈海還雄志拙毫自大才
南雲流淶翰西日映銜盃傾蓋乾坤外相看便可哀

又

叱馭漢臣節乘槎轉渺然
狀雲簪筆直龜指日錦帆懸
東望應無地西歸若上天
壯游知有助書記更翩翩
城北集得庖字

芙蓉城北府嘗發日南時
不有維摩室將無齊己詩
吟心忙自得酒力寒相持
擊節塵中趣何妨侑一卮
又分得徒字

冥搜恣象外勝集卽城隅
浩笑喧盈屋高吟誇獲珠
誰知戚里地忽著高陽徒
意氣相看暮黃塵滿九衢
謝諸君見訪

自古一安道方今幾子猷
孰非乘興至總是爲詩留
栽竹供君愛彈琴破我愁
況看天欲雪牛渚有扁舟
同游聞成練若分人字

春日城東路聽鶯訪道人
曇華還卽色忍草不侵塵
汝法同支遁吾徒總伯倫
已憐般若趣何妨膾紅鱗
二月廿一日草堂小集分韻
今春都下大火風沙竟旬
人皆騷然文事久廢

春來恒擾甚誰料會群賢
萬事風塵後一尊水竹前
人堪乘雪夜笛更落梅天
有興晴逾好柳絲可繫船
是日諸子集西臺侯邸而予
病不能往因憶前

日分天宇詩不成偶作補債併寓戀戀

臺上笙鏞起頌歌公子賢倚蘭添古曲叢桂映新篇
病肺秋逾劇賦心老更憐豈無飛動念夜夜夢鈞天
同飲次公舍

城裏諸侯府周南才子筵饌有饒遠味書畫出名篇
白雪歌相和朱門春可憐使無嚴夜柝乘月欲留連

觀潮

八月秋濤大廣陵壯觀哉勢疑吞地盡色似盪天來
方萬雷聲合須臾龍界開何人珠徑寸拾得此中回
五言排律一十首

東壁席上限韻

嘉會諒難得良筵苦易窮乾坤懸榻外人世把杯中
詩就探珠色談生揮麈風心同皎白日眉對恍青空
賴有銜泥屐寧無冒雨驄莫嫌來往數思子在鳴鴻
歸後再同原韻奉寄

買屋護洲上寧愁吾道窮釣舟通郭外酒肆近城中
緇籍每深夜聽篁偏愛風不緣賓客滿恒恐壅壘空
長者多埋轍故人皆駕驄誰知縻祿隱更有羨冥鴻
東野見訪座上用钱起韻

世波何浩蕩宦路自浮沈藥裹歲將晏酒杯日且深

嶂然青嶂色，倚此翠篁陰。消渴同司馬，支離違尚禽。
晴雲開岫樹，爽氣滿丘林。時有問奇客，知吾祿隱心。

邊城落日

朔方戎馬地，杖策意何窮。徒步長城外，遙看斜照中。
陰山銜落日，大漠起悲風。嚴角聲連塞，歸禽影滅空。
域絕崦嵫逼，河高星宿通。功名驚白首，慷慨爲誰雄。
贈學僊者用王績韻

瀛海波濤濶，蓬萊道路賒。釋裘被草木，却粒餐烟霞。
夜宿羽民宅，朝遊毛女家。神仙洵美矣，流俗詎能邪。
秋去三珠樹，春來五朶花。逢人空自說，句漏有丹砂。

同賦明月生海上

碧連潮頭細，金浮波際生。三壺望忽奪，一鏡吐還清。
出彼天衢遠，接斯析木橫。白毫百道射，驪額千尋驚。
焦石想應湧，扶桑似欲明。婆娑影方悟，冉冉近南榮。

冬日遊同齋先生別業善樂者神景豐祐卓二
師來集

大醫栽藥地，竊窕接名藍。爲奏鈞天樂，忽飛錦字緘。
翠篁傳籟潔，紅樹淅霜酣。笛有胡僧弄，酒從楚客耽。
行杯臨敬砌，摘藻狀晴嵐。總覺離塵網，僊居近佛龕。
賦得振衣千仞岡

忽脫樊籠役，陟斯千仞丘。屏車隨石徑，洗耳鑒寒流。
垢濁長相謝，塵氛安可留。饑當餐沆瀣，死不事王侯。
逝矣鳳鳴處，杳哉鸞嘯儔。飄飄振衣立，抗志隘神州。

春色滿皇州

佳麗關中地，韶光況媚人。繁雲低殿閣，迥雪對城闕。
花早上林樹，風柔少海淪。雙珂辭博陸，連騎散平津。
天酒家家醉，春衣處處新。青樓十二陌，無日不紅塵。

同賦春色徧皇州

蔥鬱神京望，乘時識帝功。青陽萬國首，紫靄大宸東。
罩闕和烟麗，映街纖雨濃。朝回雲母輦，班散日華宮。

藹藹

已有紆組客，豈無奏賦雄。春衣過杜曲，夜酒宿新豐。
中第森臨水，名花燁照空。南山如著色，上苑亦含風。
暇豫六龍駕，從容五馬駘。總憐佳色動，蕩蕩滿關中。

蜀山志

六

This image shows a blank, aged, cream-colored page, likely an endpaper or flyleaf from an old book. The page is ruled with vertical lines, creating a series of narrow columns. The paper has a slightly textured appearance with some minor discoloration and a small tear near the top left corner. On the right edge, there is a dark binding strip and a small, partially visible label with Chinese characters, including the character '木' (wood).

